



জনসংযোগ কার্যালয়
জাহাঙ্গীরনগর বিশ্ববিদ্যালয়

সাভার, ঢাকা, বাংলাদেশ
ফোন: ০২২২৪৪৯১০৪৫-৫১ ফ্যাক্স: ০২২২৪৪৯১০৫২
ওয়েবসাইট: www.juniv.edu



প্রেস বিজ্ঞপ্তি

জাবি ভর্তি পরীক্ষা ৫ ইউনিটে অনুষ্ঠিত হবে

-উপাচার্য অধ্যাপক ড. মো: নূরুল আলম

জাহাঙ্গীরনগর বিশ্ববিদ্যালয়, ২১ এপ্রিল ২০২২।

জাহাঙ্গীরনগর বিশ্ববিদ্যালয়ের ২০২১-২০২২ শিক্ষাবর্ষের স্নাতক (সম্মান) শ্রেণিতে প্রথমবর্ষের ভর্তি পরীক্ষা ১০ ইউনিটের পরিবর্তে ৫ ইউনিটে গ্রহণ করা হবে বলে জানিয়েছেন নবনিযুক্ত উপাচার্য অধ্যাপক ড. মো: নূরুল আলম। গতকাল সন্ধ্যায় বিশ্ববিদ্যালয়ের জহির রায়হান মিলনায়তনে বঙ্গবন্ধু শিক্ষক পরিষদ কর্তৃক আয়োজিত নবনিযুক্ত উপাচার্যকে দেয়া সংবর্ধনা ও ইফতার মাহফিলে প্রধান অতিথির বক্তব্যে উপাচার্য এ কথা বলেন। উপাচার্য বলেন, ভর্তিচ্ছু শিক্ষার্থীদের দুর্ভোগ লাঘব করতে এ সিদ্ধান্ত নেয়া হয়েছে। বিশ্ববিদ্যালয়ের সব বিভাগ ও অনুষদ এই সিদ্ধান্তে একমত হয়েছে। ইনস্টিটিউট অব ইনফরমেশন টেকনোলজিকে গাণিতিক ও পদার্থবিজ্ঞান অনুষদের সাথে যুক্ত করে 'এ' ইউনিট, সমাজবিজ্ঞান অনুষদ ও আইন অনুষদ কে নিয়ে 'বি', নাটক ও নাট্যতত্ত্ব বিভাগ, চারুকলা বিভাগ, বঙ্গবন্ধু তুলনামূলক সাহিত্য ও সংস্কৃতি ইনস্টিটিউটসহ কলা ও মানবিক অনুষদভুক্ত বিভাগগুলো নিয়ে 'সি' ইউনিট, জীববিজ্ঞান অনুষদকে 'ডি' ইউনিট, বিজনেস স্টাডিজ অনুষদ ও ইনস্টিটিউট অব বিজনেস এডমিনিস্ট্রেশন নিয়ে 'ই' ইউনিট করা হয়েছে। উপাচার্য আশা প্রকাশ করেন যে, নতুন এই সিদ্ধান্তের ফলে ভর্তিচ্ছু শিক্ষার্থীদের আর্থিক সাশ্রয়ের পাশাপাশি সময় এবং ভোগান্তি কমে আসবে। অনুষ্ঠানে উপাচার্য তাঁর বক্তব্যে তাঁকে উপাচার্য হিসেবে নিয়োগ দানের জন্য মহামান্য রাষ্ট্রপতি, মাননীয় প্রধানমন্ত্রী, শিক্ষামন্ত্রী, শিক্ষা সচিবসহ সংশ্লিষ্ট সকলের প্রতি কৃতজ্ঞতা প্রকাশ করেন। তিনি বিশ্ববিদ্যালয়ের শিক্ষা, গবেষণা ও চলমান ভৌত অবকাঠামোগত উন্নয়ন কর্মকাণ্ডে শিক্ষক-শিক্ষার্থী, কর্মকর্তা, কর্মচারী এবং সংশ্লিষ্ট সকলের সহযোগিতা কামনা করেন। অনুষ্ঠানে বিশেষ অতিথি হিসেবে উপস্থিত ছিলেন উপ-উপাচার্য (প্রশাসন) অধ্যাপক শেখ মো: মনজুরুল হক, কোষাধ্যক্ষ অধ্যাপক ড. রাশেদা আখতার।

বঙ্গবন্ধু শিক্ষক পরিষদের সভাপতি অধ্যাপক ড. অজিত কুমার মজুমদারের সভাপতিত্বে অনুষ্ঠানে স্বাগত বক্তব্য রাখেন শিক্ষক সমিতির সহ-সভাপতি অধ্যাপক ড. ইসমত আরা। অনুষ্ঠান পরিচালনা করেন বঙ্গবন্ধু শিক্ষক পরিষদের সাধারণ সম্পাদক অধ্যাপক ড. মো. খালিদ কুদ্দুস।

ড. মোহাম্মদ মহিউদ্দিন
পরিচালক (ভারপ্রাপ্ত)